



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj: 02-4-27-21-302-1/20

Datum: 19.03.2020

Federalno ministarstvo poljoprivrede, vodoprivrede i šumarstva Sektor za veterinarstvo Hamdije Čemerlića 2 71000 Sarajevo	Ministarstvo poljoprivrede, šumarstva i vodoprivrede RS Resor veterinarske službe Trg Republike Srpske 1 78000 Banja Luka	Vlada Brčko Distrikta BiH Odjeljenje za poljoprivredu, šumarstvo i vodoprivredu Bulevar Mira 1 76100 Brčko
Veterinarska komora Republike Srpske Carice Milice 46 78000 Banja Luka	Veterinarska komora Federacije Bosne i Hercegovine Zmaja od Bosne 90 71000 Sarajevo	

PREDMET: Informacija o postupanju veterinarske službe za vrijeme pandemije COVID-19, dostavlja se.-

Poštovani,

Kancelarija za veterinarstvo Bosne i Hercegovine skreće pažnju javnosti o ulozi i odgovornostima veterinarske službe za vrijeme COVID-19 pandemije i napominje da je potrebno održati kontinuitet u oblasti sigurnosti hrane, prevenciji bolesti i upravljanju hitnim situacijama u cijeloj Bosni i Hercegovini.

S obzirom da mnoge vlade u svijetu u cilju suzbijanja pandemije COVID-19 kao restriktivnu mjeru zatvaraju poslove koji nisu neophodni, Svjetska organizacija za zdravlje životinja (OIE) i Svjetska veterinarska asocijacija (WVA) savjetuju da se aktivnosti veterinarskih službi smatraju esencijalnim aktivnostima i poslovima, jer je održavanje ovih aktivnosti neophodno i za javno zdravlje. Ovo je neophodno prvenstveno da:

- Samo zdrave životinje i njihovi proizvodi uđu u lanac ishrane da bi sigurnost hrane mogla biti zagarantovana
- U slučaju hitnih situacija (npr. pojava zaraznih bolesti životinja) se može blagovremeno djelovati
- Preventivne vakcinacije životinja se nastavljaju kontinuirano obavljati
- Istraživačke aktivnosti se nastavljaju


Prilikom obavljanja svog posla, veterinari imaju obavezu čuvati svoje zdravlje, zdravlje ljudi sa kojim rade i zdravlje njihovih klijenata. Takođe, veterinari moraju osigurati odgovarajući nivo biosigurnosti, da su oni i njihovo osoblje zaštićeni odgovarajućom opremom i da su vlasnici životinja obavješteni o svim mjerama zaštite.

Napominjemo da su veterinari integralni dio globalne zdravstvene zajednice, jer pored aktivnosti koje obavljaju za zdravlje i dobrobit životinja, veterinari imaju i ključnu ulogu u prevenciji i upravljanju

bolestima, uključujući i one bolesti koje se mogu prenijeti na ljude, kao i ulogu u osiguravanju sigurnosti hrane ljudi.

Takođe, Svjetska organizacija za zdravlje životinja (OIE) podsjeća da se virus COVID-19 prenosi isključivo sa čovjeka na čovjeka i da životinje nemaju ulogu u prenosu ove bolesti niti ima dokaza da životinje mogu biti zaražene ovim virusom.

S poštovanjem,



DIREKTOR

Ljubomir Kalaba

DOSTAVLJENO:

- naslovu
- arhiva